

影印
文淵閣

四庫全書

影印

文淵閣四庫全書

第一一九〇冊

北京出版集團公司
北京出版社

圖書在版編目 (CIP) 數據

影印文淵閣四庫全書 / (清) 紀昀等編纂. — 影印
本. — 北京: 北京出版社, 2012.4

ISBN 978-7-200-09184-7

I. ①影… II. ①紀… III. ①四庫全書 IV.
①Z121.5

中國版本圖書館CIP數據核字 (2012) 第 059042 號

策 劃: 方應權

責任編輯: 楊良志 蔡紫昀

責任印製: 宋 超

影印文淵閣四庫全書

(清) 紀昀等編纂

北京出版集團公司

北京出版社

北京北三環中路六號

郵政編碼: 100120

北京出版集團公司總發行

北京鴻博儒文化傳播有限公司

北京中獻拓方科技發展有限公司印刷

開本: 十六開 七八七毫米×一〇九二毫米

印張: 七五〇〇〇印張

二〇一二年四月第一版第一次印刷

定價: 陸拾萬圓整

ISBN 978-7-200-09184-7



9 787200 091847 >

本冊目次

拙軒集	淦水集	目 錄	滹南集	續編詩	莊靖集
-----	-----	-----	-----	-----	-----

金 王 寂撰……………一

金 趙秉文撰……………五五

金 王若虛撰……………二六七

金 李俊民撰……………五一九

欽定四庫全書

集部

拙軒集卷二

詳校官中書臣沈 颺

主事臣呂雲棟覆勘

謄錄副貢臣杭光晉

謄錄監生臣任 溥

欽定四庫全書

集部五

提要

拙軒集六卷

別集類四 金

臣等謹案拙軒集金王寂撰寂字元老薊州

玉田人登天德二年進士歷官中都路轉運

使諡文肅金史不為立傳元好問中州集載

其詩入乙集中而仕履亦僅見梗概今以寂

詩文所著年月事蹟參互考證知寂自登第

欽定四庫全書

拙軒集
提要

後於世宗大定二年為太原祁縣令十五年

嘗奉使往白霄治獄十七年以父艱歸明年

起復真定少尹兼河北西路兵馬副都總管

遷通州刺史兼知軍事又遷中都副留守二

十六年冬由戶部郎出守蔡州二十九年被

命提點遼東路刑獄章宗明昌初召還終於

轉運使之職而集中謝帶笏表有世宗饗國

臣叨與諫員語則又嘗為諫官又有羣言交

構擠臣不測之淵語而丁未肆菁詩有萬里
湘纍得自新句丁未為大定二十七年世宗
本紀載是年三月辛亥以皇太孫受冊肆赦
並與集合是寂之刺蔡州當以人言去國而
集中情事不具其顛末莫能詳也中州集稱
寂著有拙軒集北遷錄諸書今北遷錄已失
傳而好問所選寂詩僅七首及附見姚孝錫
傳後一首其他亦久佚不見惟永樂大典內

所載寂詩文尚多雖好問所摘留別郭熙民
詩諸聯及蔣一葵長安客話所紀盧植墓詩
逸句皆未見全篇亦不能盡免於脫闕而各
體具存可以得其什七矣寂詩文清刻銳露
有憂憂獨造之風在大定明昌間卓然不愧
為作者金代知名之士見於中州集者不下
百數十家今惟趙秉文王若虛二集尚有傳
本餘多湮沒無存獨寂是編幸於沈埋晦蝕

之餘復顯於世而文章體格亦足與淳南滄
水相為抗行謹甄第裏綴釐為六卷俾讀者
攬其崖畧猶得以考見金源文獻之遺是亦
可為寶貴矣乾隆四十年十一月恭校上

總纂官_臣紀昀_臣陸錫熊_臣孫士毅

總校官_臣陸費墀

欽定四庫全書

拙軒集卷一

金王寂撰

賦

巖蔓聚奇賦

伊合抱之巖藤迹其生之有漸挺標未其不凡商世用而尤瞻裁過馬之短筆綰維舟之長纜斷滇池飛雷之杖組湘浦含風之簟獨高節之擁腫外累累然中歎顧匠石之數過不側目而一覲有好事者非常風鑒破長

欽定四庫全書

拙軒集卷一

橋之蛟卵剖巴山之猿噉其混然而天成微斧鑿之可驗彼甃石雖潔而近乎俗金玉雖珍而幾於僭當罇俎之勝處惟癭君之獨占惜流落於市井為時人之所厭幸淇泉之賞音輟酒直而見念不然則灰燼下之桐而失鄴城之釵老人既歸而謀諸婦曰我以酒隱處身純儉欣此物以有託了吾生而無憾於是撥春甕之嘈嘈漉乳泓之湛湛挹彼注茲十分激灑追顏子之瓢飲陋管氏之反坫咀嚼石蟹之霜螯狼藉荷盤之菱芡少焉

既夕風清天淡舞月影兮徘徊吸露華兮汎灩已而先生徑醉也宮錦淋漓角巾歌墊捲河漢於一酌盡湖江於一蘸洗戰國之蠻觸弔古今之時暫陶陶乎釋身世之羈縛浩浩乎謝功名之機陷然後神遊八表兮其將以躡冥鴻之背而探驪龍之領也

五言古詩

題寶泉軒

野人強冠襟任事多脫畧官府逃喧卑僧窓憩寂寞高

欽定四庫全書

拙軒集卷一

二

情渺層雲逸興發幽壑山色為誰來秋光無處著頽紅掛浮圖漲碧分畧約天共水相合風催雨欲作漁歌散汀洲春相隔籬落屬玉破微茫斜書灑寥廓幽惟殊未闌歸興輒作惡後會定何時期以辛丁約

詠張官師二疏東歸圖

戰國事縱橫廉隅初滅裂強羸灰六籍名教浸衰歇卯金新典禮蠹簡訪遺缺人材就教育士檢敦修潔賢哉二大夫夢覺槐安穴功名我何有劒首吹一呖約日俱

移疾乞身良勇決兩宮贖黃金恩遇顧不棄送車數百
兩祖帳都門訣冥鴻謝繒繳天馬落羈紲倒囊促供具
賓族相娛悅父子以壽終名聲日星揭人誰不學步卒
莫踐其說寥寥閱魏晉得一陶靖節平生腰骨硬肯向
督郵折後世無問津風流冷於鐵龍眠以畫隱游意睇
往哲嗚呼紙上影生氣猶凜冽官師廊廟具天為蒼生
設莫襲異姓封長揖稷與契云何眷短幅摸索墨漫滅
況為山九仞一簣功可輟盍睇鳳巢閣姑置鷗軟血方

欽定四庫全書

蘇軾集
卷一

三

將薦廟堂微公孰麴藥致君堯舜上鍾鼎載勲烈歸艇
渺烟波晴樓醉松雪古今雖異時出處同一轍歟圖幸
不惡蚤計政恐拙兩疏儻有靈抵掌冠纓絕

題季札掛劍圖

季札貴公子軒軒氣凌雲平生會心少四海一徐君相
逢適所願情話如蘭薰徐君顧長劍意欲口不云季子
心許之誓將歸獻芹駐節不容久驪駒促輕分言還訪
舊隱路人指新墳干將掛高木以示初意勤知已九泉

下冥漠聞不聞今人交勢利輕薄徒紛紛豈惟此道絕
反是為虛文伯夷微仲尼萬古理清芬

跋羣麋出谷圖

我家崆峒南丁年習騎射每憶逐羣麋應手相枕藉一
行吏風塵此事更何暇朝來閱短幅歸興輒命駕丹青
知誰歟相與二易亞看猿良獨癡失林還可訝爾軀幸
無罪爾肉鮮可炙毛臍竟自賊何異狘與麝水草苟自
足慎勿害農稼恐逢曹景宗數肋不汝赦

欽定四庫全書

蘇軾集
卷一

四

程尚書油烟墨

書生短燈檠業苦孔之卓百巧出寒餓輕煤收紙幄魚
胞杵萬計得此崑崙璞墜溝終不變良質信堅確摩挲
等肘印肝腎要彫琢是中自有樂未許兒輩覺堂堂地
官伯胃次吞河嶽隄靡優月給拜次豈不數人生幾量
屐迅景驚飛電胡為事細碎刻意追古朴得非遊戲耳
一笑供掌握區區張與李小道安足學何當獻天子毛
楮全甄擢增新漢文物潤色周禮樂天章貺詞臣宛彼

雲漢倬但恐醉常侍狂登御床角

和陳無已送東坡韻

坡公守餘杭錢客傷乍遠人生貴知己旅退其可忍陳
三天下士好德吾未見垂涎嗜熊掌擺手謝闕鍵觀過
斯知仁如月蝕輒滿聞風激庸懦所恨我生晚

小兒難夫子辨并引

予奉朝命之夷門道過太行路左有二石像
詢其父老云此小兒難夫子迴車之故地予

欽定四庫全書

拙軒集
卷一

五

惡其虛名而無實作是詩以辨之

我行自并門道出太行嶺路傍古石人髣髴類形影過
客互傳疑是非竟誰請會逢田舍翁荷杖雪垂頰為問
定何如愚蒙庶幾警云昔東家丘歷聘入吾境偶此值
小兒難詰豪且穎丘也不能對驅車返天井邦人思其
賢想像刻頑礦始予駭其言嗔赤發面頸夫子聖者歟
日月揭餘炳豈聞採樵斧巧掩運斤郢翁徒老于年此
事能不省翁聞遽愀然色厲聲亦猛轍迹今尚存事况

傳已永書生多大年詭辨勿復騁信知端木賜下釋東

野獮正如與螻蛄而語春秋景小姑嫁彭郎舉世莫能
整嗟哉吾道窮生死何不幸生而非其時代樹迹屢屏
亦嘗撩虎鬚白及脫俄頃死為萬世師廟貌多土梗自
非二仲月門寮終歲靜山魈與社鬼香火未嘗冷此事
固不平此心嘗耿耿吾生賦拙直浪許近骨鯁與物例
多忤所動坐愆膏憤世無奈何空令氣生癭

七言古詩

欽定四庫全書

拙軒集
卷一

六

題張信道所藏李元素淮山清曉圖

長淮宛轉淮山麓浩蕩淮光釀山綠側峯橫嶺巧連延
直自鍾山徹浮玉曉來烟靄與風塵面目參差未是真
中宵沆瀣一濯洗突兀了觀清淨身陽鳥飛出扶桑路
却拂羣陰披宿霧朝暉千丈卧長虹曙色半巖橫匹素
須臾豁壑漸分明怪底懸崖化赤城風傳粥板僧定出
露濕野巢鶴夢驚玄暉舊筆絕俗韻元素豪奪紫泥印
祇今元素入窮泉惜哉一代風流盡

題雪橋清曉圖

山翁卧聽溪風急夜半篩珠落窻隙千巖浩蕩失故態
萬徑荒寒滅人迹拏舟欲訪戴安道截岸層冰政堆積
翩然清興不可遏側望招提無咫尺攝衣使挈蠻童去
禿袖抱琴龜手漆長橋蠅屐拄枯藤卓破橫江玉龍脊
粥魚晨磬聲未了扣門喚起彌天釋開軒對榻誰賓主
呵手續絃坐搖膝從來支許事幽尋放意茶顛恣詩癖
虎溪相送尚遲留更待林梢掛蒼壁

欽定四庫全書

拙軒集
卷一

七

題高敬之所藏雲溪獨釣圖

疎簾留客畫偏長茗椀告罷新鑪香主人不恤寒具手
為出牙籤古錦囊鵝溪半幅開平遠天際歸舟烟樹晚
釣翁簑笠釣滄浪一波不動風絲軟吾家舊隱柳溪間
誤落紅塵不放閑披圖便覺清興發恍若坐我黃蘆灣
黃陵翩翩貴公子愛畫乞詩差可喜幸今老父眼尚明
莫惜千金訪繭紙

題張運使夢景圖

點鞭長算收餘暇忙裏偷閑真倒蔗北窻鼻息落庭花
一榻清風不論價平生雅志一丘壑小夢江山猶命駕
雲低平野暗溪樹雨淋層峯補天罅老農市酒喚歸渡
漁伯艤舟楓樹下開囊檢得春草句揮灑短軸爭膾炙
夜涼吹笛當抗衡槐火石泉足更霸披圖撩我倦遊興
念念尊鱸乞長假與君田里馬牛風蠟屐藍輿趁蓮社
畫工豈識夢中詩他日須煩息軒畫

王子告竹溪清集圖

欽定四庫全書

拙軒集
卷一

溪山佳處多荒僻豹霧蛟涎斷人跡縱能陟險一登賞
重疊百休疲峻陟豈知城市有林泉杖屨相從都咫尺
尋常四友會真率茗具酒尊隨所適竹風細細几席靜
花雨冥冥中帽濕逸休方與聖賢對觀妙超然存目擊
吹臺名士意領畧手弄蒲葵坐搖膝吾宗盤礴拊長松
似傷材大時難得漳川野老氣豪邁陪謁龍顏祗長揖
琴書笑詠有真樂不減仙公戲已橘九原死者如可作
應恨烏絲欠珠璧蘭亭勝閣久寥落歲月轉頭駒過隙

願君此畫更珍藏此會他時恐難必

跋韋偃病馬圖

開元天寶誰能畫韓子規摹出曹霸惜乎畫肉不畫骨
坐使驂駟減聲價晚生韋偃非畫工少也得名能古松
試拈秃筆掃東絹便覺天廐無真龍胡不寫明皇照夜
白弄驕顧影嘶長陌又不寫太宗拳毛騶百戰萬里輕
風沙如何寫此神俊物剝落玄黃只皮骨却思落日蹴
長楸風入四蹄追健鶻嗚呼往事今茫然矯首有意誰
欽定四庫全書

批軒集
卷一

九

跋張舍人所收楊仲明天廐鐵驄圖

大宛山下汗血駒麟鬣鳳臆龍頭顧黑花細洒雲滿軀
倜儻不與駑駘俱黃金絡頭老京都注目落日思長途
圍人仗箠不敢驅似聽馬語方踟躕嗚呼龍媒已矣夫
林鳥恨對長風呼誰能寫照開新圖楊子妙筆非臨摹

願君著意收畫廚風雨變化防須臾迺翁承轄翼帝車
月旦人物評錙銖千金但賞駿骨枯世上良馬無時無

題高解元所藏武元直山水

洞清宗元不傳法此老無乃得之心妙畫通靈恐仙去
須防風雨夜堂深斯人地下骨應朽此畫世間寧復有
莫與紛紛俗眼看等閑却作丹青手

覺花鳥并引

予聞覺花鳥蓋人間佳絕處也凡道經海上

欽定四庫全書

批軒集
卷一

十

未嘗不駐鞍極望久不能去第簡書有期不
得到一為恨大定乙未之秋仲月十有四日
予自白雷審理冤獄歸投宿龍宮下院謀諸
老宿期一往焉老宿曰今秋風勁波浪洶湧
雖柁工篙師往來其間亦不免縮頸汗背當
俟隆冬冰合如履平地然後可著鞭耳予竟
不聽明日登舟行未幾半風濤掀簸舟人為
之變色於是收帆弭楫維石于北渡予歎曰

此而不濟則命也。迺割牲醴酒投是詩以禱之。遂復鼓枻以進。已而風停浪靜。天水湛然。極目萬里。恍然如坐大圓鏡中。指顧之間。已登彼岸。舟僧詢大德者。謂予曰。正直動山鬼。詩句起蟄龍者。信不誣矣。予笑曰。如二公者。千古仰之。猶太山北斗。豈庸人末士所可擬哉。是必憐其勤而報以誠也。不然則劉昆所謂反風滅火。蝗不入境者。皆偶然耳。雖然。此一段奇亦不可不紀也。

宮亭湖神感且通。往來送客能分風。廣德王祠禱輒應。重樓翠阜浮霜空。我行擬上覺花島。香火遍走青蓮宮。中流未濟成齟齬。船頭西向旗脚東。雲奔霧湧白浪捲。一葉掀舞洪濤中。平生行止類如此。憑仗願有信與忠。嘗聞主海尊。位置顧宣變化難。為功指呼蛟蜃掃陰翳。天水萬里磨青銅。解維轉舵飽帆腹。雙槳不舉追驚鴻。茲遊政要償素願。勿使坐歎詩人窮。投文再拜瀝微懇。

為我寄語白龍翁

留題覺花島龍宮寺詩

寺在連東

傳聞三山駕空虛。珠宮貝闕神仙都。茫茫弱水限舟楫。人跡不到如有無。平生點檢江山好。祇有龍宮覺花島。何年經創作者誰。興聖帝師孤竹老。老人絕俗棲金沙。歲久喜捨來天家。懸崖架壑置佛屋。突兀殿閣凌烟霞。一作開迺知造物開神異。故壓祇園布金地。四顧鯨波翼寶巖。玻璃環擁青螺髻。我生自厭薰羶腥。坐覺兩腋生清冷。夜涼海月耿不寐。幾欲舉手捫天星。明朝收帆落塵土。一夢回頭散風雨。向令坡老此經行。想不願為天竺主。

拙軒

拙軒少也絕交朋。閉門坐斷藜床繩。據梧手卷挑青燈。目力自足誇秋鷹。一行作吏負且來。簡書夜下催晨興。心勞政拙無佳稱。高枕緩帶吾何曾。年來安東逐斗升。吻膠背汗疲炎蒸。到官簿領交相仍。臨事自笑無一能。

督責老掾詢聾丞曰畏罪罟空凌兢窮鄉九月河水冰
玉樓凍合衣生稜纒裘火坑寒不勝呼吸未免髯珠凝
積憂蓄熱邪上騰阿堵中有輕雲憑臨窓射日絕可憎
決皆淚實長沾膺初謂造物何侵陵細思無迺示小懲
世醫膚見浪自矜肝膽豈易分淄澠屏除嗜欲學山僧
此理蓋出三折肱斯文未喪信有徵天其使我雙明增
要作楷字頭如蠅表乞骸骨歸丘陵負郭二頃產有恒
堆盤苜蓿衣簾繒醉眠床下呼不鷹自許此著高陳登

欽定四庫全書

拙軒集

十三

飯餘睡足搯枯藤老眼細數雲山層

客中戲用龍溪借書韻

太行西北雲橫目一日九迴腸斷續舍官就養誠所願
百口煎熬食不足逆行倒置坐迂闊相負此生惟此腹
茲行遠去父母國戀戀不同桑下宿山長水遠苦愁人
不覺秋風驚鬢綠平生拙宦失捷徑蘭蕙當門為誰顧
文章既不一錢直五經安用寘前讀東塗西抹竟何有
坐歎馬鞍消髀肉公家無補一毫髮鼠竊太倉糈寸祿

既無里嫗誰乞火未有先容莫投玉天涯懷抱為誰開
盡寫窮愁入詩軸

柳城西間蟬有感

坡老放歸舟繫汴驚聽驟鐸鳴北岸文公嶺外得京官
照蝎壁間猶喜見我今薄宦天一角適以平反叨使傳
柳城西路忽聞蟬駐馬久之增感歎臨岐淒咽固有意
似對鄉人論半面吾廬環木夏陰合聒耳長嘶吾每倦
安東地冷無此物所以相逢眷還眷晚風晨露汝易足
何苦叨叨聲不斷商胡遠客淚橫臆落日窮途方寸亂
朱門砧杵快新涼乞汝秋天從叫喚

欽定四庫全書

拙軒集

十四

轍中斃龜 并引

予以公事按部郊行過污泥濁水深不沒膝
廣可三丈許車轍中有烏龜伏焉首尾餘尺
予初疑曝背舉而視之則頭且碎矣予謂凡
物之神無如龜者意其舍魚龍而伍蛙黽者
則必厭網罟搜羅之患以求自安今復死于

奔輪之下豈靈於人而不靈於已耶抑吉凶
逆定而不可逃耶政如嵇叔夜鍛隱以避世
反見譖於鍾會竟不免東市之刑信乎死生
有命脩短有期彼有不顧名節徼幸以求全
者未必然也予作是詩盖有激而云

玄夫六甲存神氣耳息綿綿口常閉會巢蓮葉綠毛叟
遊戲人間閱千歲吉凶未判倘謀及告以將來若符契
江湖佳處多網罟側足恐為人所制檣床鑽灼事交病

欽定四庫全書

拙軒集
卷一

五

寧處不材從此逝嘉林居士強解事清江使者何經濟
泥塗雖辱固不惡所幸此身能自衛豈期曝背當車轍
碎首奔輪翻致斃乃知生死有定數萬物皆然無巨細
夔蛇多寡各安分椿菌短長均一世越人善療卒兵死
單豹養生遭虎噬爾今韜晦竟不免使我追傷收寒涕
至人知命付一笑我輩情鍾能不蔽千古蒙莊倘有靈
須知曳尾非長計

予以朝命催租河朔遁出隆慮邂逅楊東卿蓋

棲霞隱人也嘗許予小山以地遠卒不能致約
以後期故作是詩以為定券

嗟君學得屠龍手走遍人間病餬口左携妻子右琴書
却返棲霞老耕耦閉門閑草太玄經冷眼兒曹事奔走
惠然過我便傾蓋夜對寒燈共樽酒掀髯揮麈話平生
河漢無聲轉星斗自言家蓄小玲瓏坐使鵲銕吐牛後
書生嗜好固多誕不許千金酬弊帚山深但恨卒未致
他日願為吾子壽人生尤物安用多要與仇池為二友

欽定四庫全書

拙軒集
卷一

十六

明年尺牘遺長鬚莫為先生化烏有

上周仲山少尹壽

姬公勲業千古高雲孫間出皆時髦篤生夫子賢且豪
風義凜凜魁吾曹詞源萬斛何滔滔作賦竟欲續離騷
懸知富貴不可逃鄉人莫敢輕韓翊長竿不肯驚漁濠
引手一釣三山鰲命也數奇時不遭屈為郡縣真徒勞
不容吏手如桔槔乾沒遽止民無搔近出幕府持旌旄
季孟伯厚胡為叨朱門瑠璃載燕羔先生盤飯獨溪毛

衆人醉死貪濁膠先生嗽石羞醜糟仕者往往爭錐刀
既角而齒寧非饕黃金堆丘爛巾袍公獨視之如秋毫
迺知賢愚異所操相去豈特九牛毛久諳世味嚼空螯
徑欲脫幘誅蓬蒿吾君側席登夔皋如君才氣寧容韜
蒼生渴望方嗷嗷要使萬類歸甄陶禮樂具舉弓矢橐
樂職頌德追王褒乞身歸老隻魚舫烟波萬頃翻葡萄
蠹書卧看橫長篙衝烟破月時嬉遨會逢石髓流青膏
嗅如香粳食如桃方瞳瞭然牙齒牢人間歲月從奔濤

欽定四庫全書

拙軒集

七

久厭濁世薰腥臊振臂一舉辭盧敖黃鵠飛去壤蟲號
髣髴碧落聞雲璈

漕副劉師韓自遼西按田訟迴僕率僚友迎勞
於郊是夕僕酒戰敗績明日師韓傳檄再三竟
不復出蓋渠豪於飲而僕素不能也戲以此詩

解嘲

劉侯士論推豪邁雲夢胸吞無蒂芥興來和月卷玻璃
累舉十觴嫌未快我生不飲亦勉強涓滴濡唇亦狂怪

螳螂怒臂要當轍大白相浮爭勝敗初期堅壁老強敵
督郵自困平原界鼓噪其如氣已竭偃旗棄甲投戎械
黎明檄戰示中幟曾未致師先瓦解君於伯倫當季孟
我辱無功謾宗派服而舍之古善政驟勝且驕兵所戒
濟水焚舟會有時勿卑邾小撩蜂蟻

題劉器之秀堃亭

劉郎事業凌徐嚴風骨玉立高嶢嶢平生雅志在丘壑
嗜好與世殊酸醎謀身易足田百畝一作時人但笑家四壁活計

欽定四庫全書

拙軒集

六

祇有書千函一作作恆服歲計書千函短衣絕勝杜陵老窮冬性命

依長鑣南城佳處有別業手種杞菊植松杉十年小築

直倒蔗佳木異果陰相攬一作來禽青李陰相攬澆醅自有赤脚

婢安用捧碗柔摻摻清談到聖會心處目送飛鴻唯阿

咸鳬仙榜名以秀堃老子於此端不凡開軒如對龍眠

畫恍然坐我勝金巖期君少起賦雲夢聽卜區區陋畢

誠一作期君獻起長揚賦後來未必數畢誠曲江燈月足行樂歸路草色迷

春衫却愁三徑花狼藉燕寬舊主聲呢喃功成事了當

勇退北山勿遣移長絨我今出試已大謬畫餅聊慰癡
兒饒茂林豐草麋鹿性絡繹不受黃金銜還家未有置
錐地但免惹以明珠饒頭顱過此可知矣歲月飄忽追
風帆他年定約卜隣舍屋茅為我先誅茅吾言要踐不
可食江水在此神其監

送人官滿二首

朔風吹雲雁程起木葉蕭蕭落寒雨先生官滿遊京華
扁舟欲發湘江渚寫詩餞別各盡觴遙瞻蓬島三千里

欽定四庫全書

拙軒集
卷一

元

思君到日梅亂開瑞雪花飛鳳城裏

草堂新成長獨吟故人不來黃葉深茶煙晝消倦掃榻
梅月夜冷慵調琴我歌驪駒餞君酒君出陽關傷我心
長江東去浮畫鷁悵望雲樹懷知音

用時元瑜韻

廣平平昔心如鐵句法澄江湛秋月地爐無火聳山肩
坐對梅花咀冰雪是中何好有底憐具樂自謂超三禪
想君曩歲客淮上凍脚遍歷溪橋邊見花輒飲醉即歸

龍蛇揮掃爭新奇至今清夢時到舊遊處尚記幅巾直
掇橫筇枝錦囊投我須鄙句正似西子枉駕招東施梅
兮梅兮爾今但有一瘦足世人未識本來之面目寄謝
無為老衲他日但過時當為浮香主人留一宿

送劉彥美

吾黨之子來何獨妙年器宇非庸俗初聞吾族盡窮窘
次以平安報修竹挑燈把酒操南音似喜人聲到空谷
翻然語別得無情天涯況是平生熟

欽定四庫全書

拙軒集
卷一

三十

題左閣使瓊花后土像

維揚瓊花天下無木犀避舍梅前驅梁園移植有深意
要識姑射冰肌膚絕品豈知神所寓等閑未許京塵污
空煩腰鼓揭春雷打徹涼州殊不顧明年詔遣歸故宮
玉蘂爛漫紫天風香聞二十四橋外熱惱坐變清涼中
世間無物那容久一夢兵烟化烏有無雙亭上月依然
可憐空照傳杯手何人收取斤斧餘粟玉其色差溫如
三都賦客眼青白歎惜流落潛歎歎十襲珍藏洛國匠

寸龕為刻示音祇像禪程煌煌玉座閑想見嶽瀆來稽顙歲時香火必躬親靈爽舍此依何人酒胡賤役何足道居士彊名安得神物理細思寧有間犧樽毋忽溝中斷不如塗塲杜櫟兩不材得盡天年保無患

謝王仲章惠淮馬

憶昔短衣精騎射千金市馬寧論價尋春不惜錦障泥歸醉且無官長罵一行作吏遭羈束五斗紅陳家不足驂騑賣却買駑駘夜斂空槽敢食粟年來可笑窮到骨奔走不暇點吾突天公更使我馬殂造物戲人無迴忽間君廐有江淮種風入四蹄兩耳聳惠然見貺頗周急幸免塵靴行決踵投詩寄謝三嘆息羞澁倒囊無寸積他年客路會相逢小倩夢蘭吾不惜

題劉德文樂軒

君不見達官火色凌朝霞傳呼數里清堤沙門人故吏聽頤指吹噓一到枯生花那知任重責亦重朝服坐待曉鼓撾櫻鱗逆耳事可畏四十未過兩鬢華又不見朱

門錢癡豪且奢翬旣按舞催第琶洋蘢豆粥何足道猩唇熊掌來吐嗟那知中夜獨不寐百萬計恐毫釐差匹夫無罪死懷璧何異犀象之角牙人生快意在富貴富貴尚爾餘何誇劉君適意殆非此其樂自謂真無涯官閑事少憂患少君恩飽暖及全家壽親餘澁沾賓友教子尚有書五車百年萬事付杯酒部伍鼓吹鳴池蛙眼前識破兩蠻觸胃次不置千褒斜箇中歡趣例如如此迴首富貴誰能加我今百指無定止負舍却羨循牆蝸思君清樂不可得對此况味殊不佳何時徑往君家去主孟莫厭煎鹽茶

題中隱軒

君不見嚴君平梅子真成都卜肆吳市門萬人如海一身隱外聽車馬爭馳奔又不見介之推屈大夫綿山澤畔何區區孤高與世自冰炭甘焚就溺捐微軀兩公朝市大喧噪二子山林更牢落混俗變姓良自欺賣身買名何太錯我則願師白樂天終身衮衮留司官伏臘粗